

Dán eanandiggi bargá

Detta gör landstinget

Eanandiggi jodiha dearvvašvuoda- ja buohccedivššu, bátnedivššu, doaibmahehttehusdoaimma ja álbmotdearvvašvuodabarggu daidda geat orrut leanas. Eanandiggi diŋgo ja ruhtada maid kollektiivajohtolaga bussain ja togain leana gielddaguovddáza gaskkal ja leanarájiid badjel.

Doaibma jodihuvvo vuotoáigumuša haga ja dušše almmolaš ruhtademiin ja dikšodivaiguin. Eanandikki ovddasvástáduš dieđihuvvo dearvvašvuoda- ja buohccedikšolágas: “Ulbmil dearvvašvuoda- ja buohccedikšui lea buorre dearvvašvuolta ja buorre dikšu seamma eavttuiguin olles álbmogii. Dikšu galgá addut gutniin visot olbmuid seamma árvvu ja dan ovttaskasa árvvu. Das geas lea eanemus dárbu dearvvašvuoda- ja buohccedikšui galgá oazžut divššu álggus.”

Višuvnnat ja ulbmilat

Eanandiggeplánas, dievasčoahkkima plánendokumeanttas, dieđihuvvo višuvdna, ulbmil ja strategiijat plánenáigodahkii. Västerbottena leana eanandikkis lea višuvdna mas leat stuorra áigumušat: “Jagi 2020 Västerbottena eanandikkis lea máilmmi buoremus dearvvašvuolta ja máilmmi dearvaseamos olbmot.”

Politiikkaat leat bidjan čuovvovaš ulbmiliid doibmii:

- Buori ja dássásaš dearvvašvuoda
- Buorre dikšu
- Buorre hálddahus
- Dearvvašvuodaovddideaddji bargosajit ja bivnnuhis bargoaddi
- Ássiidváikkuhanvejolašvuolta
- Biras, bistevas šaddan ja guovllulaš fápmočohkken
- Guhtta doaibmaguovllu

Eanandiggi lea juhkkjuvvon guđa leanaoppalaš doaibmaguovlluide: primearadikšun, medisiidna, kirurgiija, guovllulašdikšun, bálvalus ja bátneidikšun.

Álbmotválljejuvvon politiikkaat stivrejit

Västerbottena leana eanandiggi lea politiikkalaččat stivrejuvvon organisašuvdna mii geográfalaččat heive oktii leanain. Alimusat doaibma stivrejuvvo västerbottenlaččain ieš almmolaš politiikkalaš válggaid bokte.

Luohtámušválljejuvvon olbmuid eanandikki doaimmastivrenvuohki lea huksehuvvon dan láhkái ahte gávdno čielga ovddasvástádušjuohkin politiikkáriid ja virgeolbmuid gaskkal. Got ovddasvástáduš juhkkjuvvo čielggaduvvo eanandikki njuolggadusain.

Politihkkarat stivrejit dan láhkái ahte bidjet ulbmiliid eanandiggái ja mearridit man guvlui háliidit doaimma. Stivremii gullá mearridit politihkalaš ekonomalaš rámmaid ja iežá eavttuid. D ehálaš oassi lea maid čuovvulit daid ulbmiliid ja doaimmaid ja got ássiid dárbbut bearráigehččojit.

Eanandiggedievasčoahkkimis gávnojit gávccii politihkalaš bellodaga. Stuorimus dain lea Socialdemokraterna 30 mandáhta, Moderaterna 9, Vänsterpartiet 9. Centerpartiet 6, Folkpartiet 6, Kristdemokraterna 4, Miljöpartiet 4 och Sverigedemokraterna 3 mandáhta.

Politihkalaš lávdegottit

Politihkalaš lávdegottit – ovddimusat dearvvašvuoda - ja buohccedikšunlávdegoddi, lávdegottit álbmotdearvvašvuhtii ja primearadikšui ja maid lávdegottit doaibmahehttehussii ja habiliteremii – leat dehálaš oasit ássiid ja politihkkariid gaskkal. Sii galget mearridan dearvvašvuodadili ja dárbbu dearvvašvuoda-, buohce- ja bátnedivššus. Galget maid árvoštallat got álbmot vásiha ahte dárbbut bearráigehččot.

Lávdegottit guddet mearridanvuodu eanandiggedievasčoahkkimii ovdal dievasčoahkkima mearrádusa eanandiggeplánii ja iežá stivren áššegirjiide. Lávdegottit ovttasbarget maid gielddaiguin, pasieantaorganisašuvnnaiguin ja iežáiguin.

Váldde oktavuoda du politihkkariiguin

www.vll.se gávnojit oktavuodadieđut eanandikki luohtámušválljejuvvon olbmuide.

[Vuoset oktavuodadieđuid.](#)

<http://www.vll.se/default.aspx?id=57204&refid=57210>